

կում գրադած էր զաղթականների տեղաւորման ու հոգատարութեան խնդիրներով :

Կարճիկեանի մահով ո՛չ միայն Հայաստանն էր գրկուած իր ամենախոշոր պետական մի գործչից, այլ և բովանդակ Կովկասը: Նա եղաւ վերջին տասնամեակի կովկասեան իրականութեան այն սակաւաթիւ դէմքերից մէկը, որոնք կեանքի ամենախուռովայոյց օրերին անգամ կարողացան պահել մաքրի պայծառութիւնն ու հոգեկան հաւասարակշռութիւնը: Արամից յետոյ, առաջինն էր՝ կոչուած կերտելու Հայաստանի պետական շէնքը: Եւ մոլեռանդի կոյր զնդակը խլեց հայ ժողովրդից այդ թանգազին կեանքը: Հասկանալի է, թէ ինչո՞ւ նրա մահը ցնցեց ամենքին: Կարճիկեանի յուզարկաւորութիւնը խակական համաժողովրդական սուգ էր*):

Սպանիչը վրէժ էր լուծում Կարճիկեանից, իբրև մէկից, որ իր վարած քաղաքականութեամբ դէպի կործանում էր առաջնորդել հայ ժողովրդին, որ գործիք էր ծառայել վրացի ազգայնականների ձեռքին, որ պատճառ էր եղել Կարսի անկման ու յետադայ աղէտներին: Պատմութեանն է մնում պարզել, թէ որքա՞ն արդար են այդ մեղադրանքները և արդեօք Կարճիկեանին վերագրող յանցանքների համար աւելի պատասխանատու չէ՞ն այն մարդիկ, որոնց ուղղակի կամ անուղղակի ներշնչումով ոճիր էր գործում դժբախտ Եգորը:

*

Կօալիցիոն կառավարութիւնը գործի անցաւ այն պահուն, երբ արդէն դաշնակիցների յաղթութիւնը փաստ էր, և հայ ժողովրդի առջև բացուած էին նոր հորիզոններ: Նոյեմբ. 17-ին Բազու էր մտել անդլիական մի զօրամաս զօր. Թոմսընի ղլխաւորութեամբ: Նոյեմբ. 20-ին վերադարձել էին հաշտարար պատուիրակութեան անդամները՝ Ահարոնեանը, Սատրխեանը, Պապաշանեանը, որոնք Պոլսից դուրս էին եկել նոյեմբ. 1-ին՝ բերելով իրենց հետ Մուտրոսի զինադադարի և արևմտեան ճակատի դէպքերի մանրամասնութիւնները: Նոյն օրերին, Թեհրանից՝ Ս. Արարատեանից, Ներսէս արքեպ. Մելիք-Թանգեանի միջոցով, ստացեց մի հեռագիր, որ չափազանց վարդազոյն հեռանկարներ էր բանում հայ ժողովրդի առջև. Պօղոս Նուպարը աւետում էր դաշնակիցների յաղթութեան լուրը և այն ողևորութիւնը, որ տիրում էր հայկական բոլոր խաւերի մէջ:

Շուտով բացւելու էր Սաղաղութեան Վեհաժողովը: Պէտք էր շտապել պատուիրակութիւն ուղարկել Եւրոպա՝ ներկայացնելու համար հայկական պահանջները: Հայ. Սորհուրդը մի քանի դունփակ նիստերում քննեց պատուիրակութեան տալիք հրահանգները: Մասնաւորապէս լուրջ ու բազմակողմանի քննութեան առնեց Հայաստանի սահմանների խնդիրը: Կար մի քանի տեսակէտ. վարչապետ Քաջազնունին գոհանում էր համեստ սահմաններով՝ համաձայնւելով ծովային ելք էլ չունենալ: Ժողովրդականները՝ Ս. Յարու-

*) 1919թ. յուն. 17-ին Հայ. Խորհուրդը յատկացրեց 75,000ռ. Խ. Կարճիկեանի քնտանիքին նպաստ և գաւակներին կրթութիւն տալու նպատակով: